



詹鐵牛詩集

寄亭草

卷之二

騾轎十章章四句

騾轎摇摇去程則迢彼大人兮謂我轎也

解

赫赫動處為宅彼大人兮謂我轎也迢

騾轎峩峩

有力斯駝彼大人兮謂我轎也梭

騾轎碌碌榮華

在目彼大人兮謂我轎也福

騾轎徐徐有美同居

彼大人兮謂我轎也廬

騾轎迅迅兼程以進彼大

鰲水詹



詩



人兮謂我轎也僅 騾轎悠悠漏盡不休彼大人兮
謂我轎也優 騾轎沸沸雪霜何畏彼大人兮謂我
轎也貴 騾轎層層遇險亦登彼大人兮謂我轎也
能 騾轎顛顛諸有畢具彼大人兮謂我轎也遇
寄鄭參崇守戎
若榴含火浸方池荒署冷冷繫遠思笑我耽愁催兩
鬢勞君問訊展雙眉雅歌奏處應彈劍刁斗閒時且
較碁願得長房還縮地共隨花氣挹清颺

其二

柳營高廠面匡山緩帶雍容水一灣借箸龍旗朝正
爽運籌虎帳夜初閒雲臺有像風聲近星渚無波月
影環移孝作忠吾黨事元戎早擬冠清班

時參崇駐防南康在

任守制

賣雞行 有賣雞于市半月無售者投門四次不得已而買之

雞雛雞雛剛出腹肢體將完頭縮縮飲之啄之總藉
人竹籬茅舍相徵逐飼舖將及一載餘羽毛漸次成
彬彬不覺一年又一年昂頭鼓翼笑雌伏子啼午唱
頗知時豈是虛糜廩與祿傷哉無奈主人貧終老其

家徒一哭携來市上易青蚨自炫於人多反覆一問
 待價一回非三三四四徒碌碌走遍江城數百家村
 軸俱空愁半菽賣絲賣穀難自存德禽將無韞諸匱
 儂家未必飽膏梁菜羹可愛何能肉一擲百錢奚爲
 哉聊向微生廣葶蓄且恐隣家逐日攘來年不待時
 光速噫嘻雞兮雞兮不可知豈遂到此無別離

送楊次璜參軍入滇

關西家學燭星雲枳棘鸞停久羨君帝賚已占薇省
 近民謠初沸玉霄聞迢迢客夢歸潯水裊裊鄉心送

楚雲剔歷風塵微浩氣碧雞金馬待空群

寄金天鳴明經

煙水亭前幼婦詞陽春貽我寄遐思

天鳴曾和予烟水亭詩及滿江

紅韻縹囊漫挈懸鳩杖藜火輕燃照虎兒

令子漢封山有才名

木晝尋雲黶黶江葦夜煮月遲遲鯉庭道合慚知己
 尚有神交隔遠滄

蒲節宋堯章以蘇酒見貽賦答

艾虎高懸自異鄉蘭陵佳醞不尋常芬流玉斗馨盈
 頰色借金莖味入腸下榻豈真無孺子飲醇何意有

周郎照予古道殊超俗慚負雲龍在一堂

哭朱敦堯

奎垣何故殞文星慘雨聲中涕忽零白首未能叨紫綬烏絲空費寫黃庭敦堯工書法騎鯨漢表心彌曠逐鹿雲邊話已暝撒手長眠幽夢穩任教啼血灑哀銘

其二

畢生未了恨溶溶那得乘時用及鋒東壁遺書存敗

卷敦堯小試屢冠一軍北堂清節罷貶封敦堯幼失入試棘院未能一售父母楊太君苦節至今無恙科名天上才原敏竽瑟人間巧不逢一望

逃離悽惋處止憑掛劍吼飛龍

庚寅五月九口水漲寄亭走避他處水退命童

子洗屋古風紀之

汚塵撲地來集此荒荒室頻年與之俱聊以容吾膝斗大蘆葦房局促羅書帙日共水為鄰螿蟲鑽穴出時還嚙我衣間亦嚼予筆寧耐苦未能坐此有如桎欲去不稱心久戀詎為吉偏於偏窄中暫且圖安佚陰雲蔽朗天徹夜檐溜溢須臾几席間幻作龍蛇窟幾幾吾其魚縱步絕塵軌一宵復一朝淙淙還瀉瀉

天吳興忽闌漸次雲捧日泥漬塞庭軒窻櫺同其匹
疾呼赤脚僮執帚施其術遍掃手不停地上光如漆
譬彼不潔蒙掩鼻人共叱亂頭麤服時俄然煥梳櫛
何以洗余心遣此胸中物

賦得一年幾見月當頭

四望浮清照穿林鏡一團因踈偏妬密匪易始知難
屈指多添悶疑眸忽送歡溶溶天不夜佳會喜同看

其二

閱歲將投老年年欲問天每從雲影暗預想鑑光妍

感舊愁鬚髮懷新暢几筵瓊樓絕頂處搔首倍欣然

其三

四序遷如駛陰晴了不知冰輪愁雨妬金鏡怯風迷
翳掃胎初結塵飛魄漸移清宵能幾度花影故垂垂

其四

惆悵孤檠黯驚看玉宇明方升周四表疾下欲三更
久別寧無恨奇遭倍有情素娥憐獨夜靜對客懷清

其五

悵望天無語銀蟾歛不開正愁人共寂忽訝爾初來

啟戶光盈几飛觴暈入疊霽霖驅莫去安得上瑤臺
其六

織埃留不住儘力弄晴輝皎潔分魚隊晶滢照蝶衣
競傳今夕好翻覺往年非細數從前夜應憐此會希
陪張殿颺明府仲夏季試卽事

奎星原自燭匡廬况有光芒百里嘘蒼萃高文歸月
且搜羅國士惜居諸金針度處疑無語玉尺量來信
有餘遙憶王盧叅酌夜彩毫飛舞費躊躇

其二

家傳忠孝與文章花縣弘攄錦繡腸炳蔚紛投徵虎
豹畢羅四布起鴛鴦雲開鳥署朝偏爽日麗芹宮晝
恰長自笑追陪無雅句祇隨清嘯洗荒唐

其三

壓檐嫩竹綠垂垂特啟新題構巧思好句忽來應鼓
掌陳言絕去各掀眉權衡元白琴邊靜位置歐蘇筆
下宜碧眼眶中神采動豈容朱紫溷妍媸

其四

循聲遠播大江西又合圍橋恣品題霑雨乍收天接

水德星長照璧聯奎同餐秀色魚能躍漫叩清音燕
欲啼首藉幸依棠蔭綠喜憑風雅待提撕

讀鄭參崇遊子不孝編賦答

傷哉風木哀四十年中結雞豚不逮存剩得孤兒子
此來非勝遊聊以全吾拙陶白舊風規邈矣懷先哲
傾蓋得相知梓桑情倍熱旣讀鷓鴣詩香囊贈如玦
聚散每無常立談歸騎越臨風費遠思一緘投門楔
讀之不欲終涕泗喉間咽終天恨如何乃在服官列
遊子復何心一官如敗葉請急不得歸夢中同永訣

反覆數千言字字猿聲血令伯有陳情尚苦生離別
嗟君王事勞大椿遂摧折所遭各不同同一肝腸裂
孝水起悲雲從茲永不竭人生止一身捧檄晨昏缺
忠孝兩全難僅有情悲切勗哉吾友人奮力追前列
桐柱勒珠崖今古詎殊轍指日瀧岡阡焚黃大書碣
遙遙泉下翁望眼何時輟新題觸舊哀臨箸食難噎
書此倩郵筒兩地應啼鳩

賀胡昂青遊泮

一經伯樂冀羣空芳訊閒探倩遠鴻舊綰香珠勤午

夜新裁繡玉麗薰風芹池暫掇無雙譽棘院將銘第
一功拭目西江弁冕處會看雷劍吼長虹

寄同年劉子占時請假歸里

槐市同升振羽儀廿年心事水雲知墨莊舊擁原稱
富絳帳高懸莫問奇偶逐蠡湖霏玉屑謾勞獅嶺憶
瓊甍歸帆尚阻瞻韓願獨抱離憂浸壁池

閏七夕

生怕明朝入

李笠翁七夕詞云
只怕明朝初入

今宵閏若何聯橋添

暢遂將夜補蹉跎心合星同皎情深月亦和不知天

上巧何處乞來多

原倫重自蒲州歸過訪

古晉風烟隱翠微忽從征雁逐南飛桂華別圃宜新
話苜蓿荒厨愧遠歸細檢奚囊秋色麗同挑篝火漏
籌希三年離索傾難盡一榻高吟共振衣

次韻送原倫重歸里

冉冉秋光腕際妍臨岐濡墨興高騫烹蒲酒渴牽衣
後折柳詩愁返旆先醉裏持螯思款曲狂來逐鹿話
纏綿心盟兩地長相照象嶺烟嵐共一天

中秋同董幼成飲中賦月次韻

黯淡偏宜月，昂頭得共看。
微雲刪舊影，薄露洒新漚。
酒潤珠明沼，瓜分玉砌盤。
涼秋同卜夜，高話旅情歡。
十六夜望月次董幼成韻

少恨應常滿，圓滢且再看。
從新光泛泛，照舊影團團。
珠斗高無翳，銀橋靜息湍。
有情天不夜，一望解眉攢。
送董幼成赴試

頻年風雨共鷄鳴，客館幽棲話倍清。
笑我烟江迷去棹，羨君雲路接歸程。
書香遠帶山嵐馥，劍氣橫擔水

月晴一曲驪歌送，送日金柅花發待蜚聲。

九日飲寄亭次董幼成韻

龍山何處覓奇觀，有客題糕且寄歡。
斂手頓驚詩骨麗，攢眉終負酒腸寬。
鶯調巧舌侵茗盞，蟹剝柔脂入菜盤。
種菊多君勞妙腕，僅餘寒蓼得同看。

董君種菊悉爲牛食

學舍前蓼花甚盛

蟹羹

橫行命逐羽毛輕，擬作監州味孰精。
水火有情徵變化，鹽梅無事得馨清。
粉黃鍊就金成液，軟碧嚼來玉

攬美評遍江鮮應第一勾留客夢兩願傾

讀董幼成所撰尤悔庵先生年譜圖十八咏題

贈

下帷學已富擗管覓新題知己如今是伊人宛在兮
西堂成信史東壁引長梯天祿石渠畔將燃太乙藜

其二

結撰憑靈府心花噴欲開英詞攄錦績藻思逼風雷
瑣瑣陳言去離離妙琢來雁聲嘹唳夜隄墨共徘徊

其三

繪圖十八幅鐵筆寫鬚眉蒼萃成高咏搜羅闢異思
烏絲涼月照黃絹彩霞披值得雞林價二縑未足奇

其四

脊虛十四首所貴豈宜多灑落搖珠串堂皇佩玉珂
句裁雲日麗筆妙雨烟和密咏甜吟遍天章錯綺羅
壽家叔庭仲七十

靜艷數黃花晚節堅彌厚桃李不禁春柳蒲驚風瘦
灑然籬落邊寂寞繁華候持此殿秋芳百折容光秀
固知不朽人挺焉生宇宙不軒冕而榮不金紫而售

此理信不磨達者知其毒惟叔自天申許史家聲舊
飄飄張緒年文譽脛而走對之如飲醇與世忘機殼
攘臂屢決科軋茁題名後大物付兒孫閒情歸兩袖
遂結泉石盟花塢經營茂宗枋藉主持懦立頑廉又
奚必上金門翻覺浮榮疾三立果無慚允矣由天授
巋然魯靈光百福應叢蕞如侄良不材老驥空鳴廐
追隨數十秋水乳真無詬雖然小阮行忘分圭聯綬
數曆屈懸車紫氣函關透儒官困棘人莫遣瓊觴侑
邈邈詠真山夢遶南飛奏寄此祝遐齡願同金石壽

賀李瞻武遊泮

鄴侯架畔久鑽研拔幟先登早着鞭祖德畱貽推鼎
盛父書酣浸有薪傳墨光近帶芹花馥筆彩遙沾桂
萼妍九萬扶搖高舉處笑看螭陞五雲聯

選錄謝翁潭遺集有感

東山絲竹久無音剩有殘光照墨林埋骨當年悲掛
劍點頭此日悵焚琴編摩血灑啼鵑句激賞魂依衰
鳳吟筆妙倩君存大業玉樓高迥喜盈襟
遺集選就
幸董君勿

成手錄
成書

其二

身後遺編付友朋，校讐終讓結茅僧。
頻年擱筆因何故，一載成書得未曾。
裝錦漫燃藜杖火，揀金仍耐剡溪藤。
開函披閱如相話，不減撚髭共夜燈。

寄原倫重

秋雨廉纖下，孤征住馬蹏。
渴來耽碧藕，饑到覓黃藜。
詩向豪中得，筇隨淡裏携。
麟車欲去山，遶鷓鴣啼。

其二

風塵殊骯髒，好景富奚囊。
別去人千里，尋來水一方。

空齋慙宿釀，歸路擁新涼。
山月堂前夜，餘光照屋梁。
樓兒到署夜，話有感。

馬首馳驅慣，今爲定省人。
不圖他國聚，翻勝昔年親。
入室悲牢落，啣盃話苦辛。
玉山雲起處，何日慰傳薪。

其二

逢迎吾道拙，生事託離騷。
似我添蛇足，多兒愧鳳毛。
骨堅寧耐隱，舌在豈能豪。
剩有蒿廬在，愁心結大刀。

十月初六日紀雪

鱸舍羈愁又小春，安排紅紫襯芳茵。
何來散作潯川雪。

碧白首青山失故人

其二

瓊屑離離間雨霏
敝貂無恙掩單衣
擁爐呵凍詩成
早白雪陽春和者希

其三

誰譜王維舊雪圖
菊籬香瘦葉同孤
高人土室今何處
月色風聲半有無

其四

喁喁兒女伴清宵
滿注銀盃玉一瓢
花信不來風颯

颯熱腸應倩酒頻澆

送董幼成歸瑤石次原韻

有引

江都名彥潯水遊人劍佩雍容謬附三鱸之
客筆花璀璨徐來五斗之鄉敲詩敢謂詞宗
在在點金成鐵問字尤憐孺子時時應徵合
宮淡裏經年既乏適館投餐之雅寒中閱世
喜同雕龍夢鳥之心忽起歸思聊申祖道雲
山迢矣調既拙于詞驪烟水茫然情復深于
囑雁愧脂車之無力芹藻生愁爰擗管而有

辭葫蘆依樣一章貽笑漫言金玉之音五字
效顰敢曰琳瑯之句投桃未報折柳殊慚

久宜奔軼絕紅塵暫屈鸞棲作旅人彩筆輸君齊李
杜素心投我見雷陳馬蹏輕踏雲山蹬鳳翥高騰月
府輪祀較臨行無可贈鶯花繚繞帝城春

送湯若人歸南豐

楚水波濤任去留歸帆仍喜住江州方期夜共徐陳
榻竟爾雲移李郭舟大雅風標存古道小巫面目愧
今儔荒庭苜蓿欄干下坐待梅花寄隴頭

龔幹恒公望昆玉遠訪讀其近詩賦答

萬疊寒山屐遠移投來佳句玉離披元方雅具干雲
抱仲氏豪仍映雪姿漠漠青燈迷夜雨蕭蕭黃葉迓
朝曦連宵剪燭談心處宛共懷觀酒一卮

先外父龔善又先生

堂匾曰懷觀著
有懷觀堂集

鯉脆有引

予羈滬署者三年矣庚寅之冬內兄龔幹恒
艤舟相訪畱宿寄亭齋中樽酒論文宵深不
倦席間出鯉脆相餉幹恒笑曰肉食者鄙豈

知骨勝于肉啖此佳味較安邑猪肝夫復何
如喜而賦詩因仍其韻以添一夕清話云

官味止齏鹽市酒沽來漾客到啟雙扉訪舊遊非浪
七日渡飛篷扁舟喜無恙一揖素心人各道別懷悵
投轄荒荒齋檢韻憐孤唱屢學東家顰莫遣文魔瘴
鯉魚帶雪烹脆骨乘鮮餉夾此菜根香同歸錦繡臙
庖人手欠工調飪皆無當物色賴嘉賓遂使羈人暢
峻峻骨一筐比擬真難狀生成玉有光煑作黃金釀
村醅與之俱醅酌吟魂旺把盞互評詩都忘人我相

三年離索中有夢徒相訪高會漫言歸慰我臨風望
送龔幹恒公望歸里

彤雲舒捲雁雙飛雞黍闌珊遂拂衣返騎翩翩愁處
遠征篷隱隱望中微鱸魚舊夢滌孤枕蟋蟀新吟怨
落暉維繫有心徒抱恨寒帷驛路兩依依

又次畱別原韻

鏡髮驚人別後顏三秋離緒屋梁間片鴻久渡連江
水畫鷁輕移兩岸山聽雪孤窻風乍裂探梅寒夜月
將還入林把臂知何日高舉雲霄出檻鶻

疊雪歌貽鄔聖什

夢斷金臺離紫陌三年消索匡陰客
 夏春霿濕苦難禁梧葉驚秋纔罷厄
 惟有嚴冬景最饒江天雪下如
 鋪汝寒鴉枯木玉垂垂野徑荒
 祠光奕奕一色長天煙水亭
 漁舫趁此搜鮎鯽携來市上博
 村酤玉噉一聲天地窄此樂何
 為讓吾人得之自在無拘迫阿
 儂畱住遣愁方曉起三杯自怡
 懌積歲淹延莫解頤敝裘零亂
 風鳴腋斜飄縞帶再而三際此
 孤懷有所獲人謂此君不識炎
 撐持冷骨難喧赫豈知吾亦味
 吾

幽靜素襟中懷拱壁和寡猥云
 曲自高漁歌樵唱同朝夕耽詩
 幸有鄔大郎貽我瓊瑤真不惜
 但願酣飲不教醒與君共醉潯
 川白

雪霽同諸同寅登鎖江樓

一抹天初曙寒曦欲破冰金波
 何浩浩石級故層層步怯臨崖
 叟機閒隱几僧浮屠絕頂望飛
 鳥挾雲騰咏廬山食物六絕

春茗

經年憔悴碧雲中春雨廉纖色
 倍工採得新芽徐入

缶賞音何處覓盧仝

青筍

嫩籜含胎卽斷魂
懨懨無語待龍孫
烘來碧綠盤中
供剩有餘馨沁齒痕

椿芽

尊同巖父隱深山
嫩綠微茫素手攀
何異分羹貪楚
鼎當筵一箸舞斑斕

青蒿

野蕨將肥綠漸舒
絲絲一筥異青蔬
摘來妙合君臣

火嚼遍鹽葢總不如

豆葉

形同茗葉味全非
辛苦調停遂覺醜
植向高坪希則
貴野僧畱與嚙山薇
九江府志載廬山上有豆葉坪

石耳

石濕雲蒸長易成
自然獲歛不須耕
採來烹飪堪娛
目銀海秋波老更明
綱目本草云廬山產石耳食之令人目明

登郡治高樓

萬瓦鱗鱗地
九江府志載明季盛時城內居民十萬八千戶
空城有此樓當

年燕雀賀今日雁鴻愁點綴需名哲標題待雅流因
公閒選勝何處訪丹丘

其二

醉翁曾有記大筆憶超然地以人斯重文因事乃傳
清樽餘暇日絳節鎖荒烟眺遠徒興歎淒淒欲問禪

雪獅子

狡狴活現俯全軀粉塑銀粧貌不癯豈是懷私誣李
泌還非說法拜文殊寒威積玉茸毛淨冷艷堆瓊利
齒腴喚出晴曦天際湧白狼山下有紅爐

投金永庵明府

家食頻年飮口碑喜從芹署挹芝眉官評自得神君
譽吏議何慚赤子知黯淡溪山供指顧迢迢邑里待
綱維賜環拭目雲霄下會看溫綸沛玉墀

方塘水涸取魚注之缸水漲仍命童子縱之

小物無調護微生亦有涯如何跼蹐地終不委泥沙
非附青雲士聲施那得嘉俛首歎衰草寥落伴霜葭
及其時可駕探春遂吐芽單絲不可線孤掌詎能呀
就人以况物亨屯胡爭差江州風土瘠水鮮多似麻

每歲三五月魚苗度廣注買者輻輳至採者競乘槎
翩羅俱入稅漏網罰隨加我非販客流間亦取之窪
泱泱碧沼旁一瓢復一且纖忽不可數聽其自成家
十日影可掬三旬鱗遂華迨至兩月彌潑刺幾聲譁
自夏徂秋矣霜飛片可搗一望蒼苔老爍土水無花
魚曰吾其魚釜鼎將無嗟君子不求食撈取蓄之汙
忽然陰雨集依舊綠蘋遮縱之使得逸江海望彌奢
圍圍與洋洋鼓鬻嚙其苴從此養堅甲濠濮豈云遐
早化北溟鯤雙翮挾雲霞水擊三千里高乘風雨斜

借周自周元人百種曲連夜讀之賦答

緗帙貽來雅續紛韻一瓢因人餘暇日留我伴終宵
菊譜筵前悄梨園夢裏迢何時憑綽板高唱遏雲霄

其二

幸有周郎顧憐予愧賞音鳴時驕鏡影應舉雋琴心
元時以曲取士已共囊螢苦幾同映雪吟寶山馳逐
此卽其制義也
返雙袖鄙黃金

詹鐵牛詩集

寄亭草

鰲水詹賢左臣撰

卷之三

渡江

雄風一望楚山頭雙櫓輕搖破水漚憲節逡巡遲彩

仗時奉委迎新任學憲官囊簡約載窮愁敢云御李多延譽但

得瞻韓遂解憂行役兩番催過客去秋九月奉委在饒州那堪

回首仲宣樓

堦前桂樹為冰花所結

水晶簾障木樨花葉葉枝枝漸吐芽珠幕曉開光有
耀銀臺宵炫潔無瑕蕊宮仙子迎新月洛浦佳人佩
碧霞快斧舊磨高擱處筆尖閒裂虎頭家

其二

蝶粉鵝絨舊日顏秋光凝後骨孱孱十旬涼颺黃飄
萼一夕寒霜綠掩斑不事喧譁甘寂冷自然淡雅得
幽閒天香雲外如相許敢以長風贈玉山

其三

月中畱影共婆娑恹恹切霜威醉欲醺自引瑤卮澆素

魄孰懸銀鏡碎情魔夜明湘水秋蜍皎晝擁冰山午
鶴哦一望峻峻光可摘鮫鮓無恙果如何

其四

綠老青殘碧作衣荒涼院宇伴霏微床鳴蟋蟀花容
靜岸縮賓鴻葉影希瓊葦擎時呼欲近晶毬掛處擲
全非神針縫就天仍冷玉屑離離尚未歸

庚寅臘月廿六爲先兄藹臣府君五十冥誕署

中陳奠寫懷

何知五十載客路泣難兄篆蠟憑筵供慘慘春風鳴

時立春分俸陳微奠臨空薦菜羹更率諸猶子設此
 已十日分俸陳微奠臨空薦菜羹更率諸猶子設此
 歲寒祊荒羞愧匪禮遙伸伯仲情滴酒念疇昔血漬
 淚隨并雁行聯赤子真摯果天成生共一胞胎翩翩
 有佳評讓肥與分痛歷歷記分明敦行殊不怠佛母
 頌同聲讀書識大意一顧有殊榮兄年十八遊郡庠
 壬戌文宗高渭師
 夫子歲試置高等僅一剖蒙叟怡然篤溫清繼粟終
 餼千四十八人中其世蒼蒼松柏盟小文存軼事雅道孰能京
 崇仁王叔平為
 予兄弟剖蒙師年老無子兄每歲同予給穀八十
 石贍養之王夫婦得終其天年予作傳紀其事
 人不可作幽宅豎兩楹倘或假之年詎不大門闕何

期剛廿載忽摧田氏荆兄卒于癸亥正月
 享年僅二十三中郎雖有
 女伯道竟無丁兄無子止
 遺二女惟弟良不材浮名悞一生
 晚歲耽微祿一官繫遠鬢冉冉隙駒過顏厚竊簪纓
 欲歸歸未得前路杳難撐鬢毛亦以換覽鏡自相驚
 茹荼哀節母十年萱草崩母鄧孺人于
 壬午年見背與兄雙柩峙
 何處覓佳城母與兄俱
 未卜葬遙遙風共水遊子涕徒傾生
 養與死葬總則欠權衡敢日勞王事微職負生平看
 看半百至何以慰心怍歸冥二十八迢迢夜壑行修
 文在天上離索對孤檠胡為妻與女一一賦遐征陳嫂

氏癸未年卒長女獨留孑孑我面目少崢嶸四海猶
侄柔靜戊子年卒
知己手足斷誰營豆箕燃久矣豆粒仍鳴鐺傷哉司
馬牛此憂何日更靈爽豈湮沒鑒此旅中鯖俯首申
太息聊爲盡一觥

不寐

喔喔寒鷄夢懶支燈燈燈燼五更時淒清床版憐同
病黯淡窻櫺費遠思家信不來黃犬臥鄉心莫遂黑
狐疑更饒底事頻欹枕白眼爐燼問曉颺

其二

魚悲涸矣燕辭巢落落微官笑斗筲行役逡巡徒躑
躅好音遲速費推敲時往楚迎學繡衣未必量才授
敝屣何難帶恨拋自信行藏應在蠱分明上九有文
爻

其三

輾轉孤衾探黑甜睡魔遁去不相沾廿年已逐愁中
過半世徒從拙處拈春氣未凝風瑟瑟雪花纔謝雨
纖纖昂頭赤脚披衣嘆急起呼童問酒帘

其四

花送幽馨月送明頻年生計酒杯傾本圖閉戶耽休
暇何意登場怪獨清舊樣葫蘆頭日慣新歡爆竹歲
時更夢中何處尋知己止有焚琴雀共烹

庚寅誕日書懷

幻影浮軀夢不真奚知懸矢際芳春徒餐世粒伊誰
飽枉縛名韁止自呻白日已馳夕照返青雲何在夜
光淪僅餘筆墨消前業東抹西塗笑結鴟

其二

予立平生夙抱空蕭蕭萍水怨飄風填篋合樂音何

往岷岵名山望已窮渲染未佳真畫虎敲推難就總
雕蟲譁然三祝誠何意有淚徒澆爨下桐

其三

生子當如孫仲謀景升豚犬吠咻咻殘書枉授虛垂
手破鉢空傳欠點頭鬱鬱僅多墻下棘芄芄實勝水
中猶過庭詩禮人何處老盡餘生孰解憂

其四

儼然稱祖未完兒坏土何年自築碑
予有孫五人先母至今未葬
老母重泉嗔浪子孤身遠道愧名師離羣愴切江邊

雁失路徬徨陌上雌
梧酒勸酬勞爾輩
夢魂今夜欲何之

其五

誰教寮案競承筐
瓊玖深慚報不遑
芹葉未胎官閣冷
菜根同咬宦厨荒
焜輝壯采無書篋
嗚咽流聲有劍囊
縱使假年難寡過
顛天何以答蒼蒼

其六

面顏儉父強之官
豈有靈犀照膽寒
泛泛摘詞羞擗管
寥寥問字枉登壇
風前自掃陳蕃榻
日下誰彈貢

禹宀尚有癡腸
燃不斷
灰頹老馬在邯鄲

其七

嫁衣縫剪遂年年
浪擲韶光孰使然
謬擬隋珠能照乘
豈真和璧竟沉淵
絕無朗月毫端耀
僅有輕霜鏡裏妍
白髮宮人遺恨處
開元天寶話纏綿

其八

冠帔無能報細君
蕭條旅邸負辛勤
旣無錫命黃墟寵
那有邀榮紫詔分
縑素久移愁亂結
尹邢難辨力同慙
漫勞舉案酣村酒
客夜溶溶語共醺

小池口除夜題壁

客中仍作客獨酌餞華年歲與舟隨去春同燭共延
寒雞將送臘喧爆忽驚眠願得明冬會重分此夜緣
辛卯元旦

寓一宿庵

一宿天然待客尋敗蕉殘木等春深到來自耻逢時
態坐久誰遺出世心去鶴錢塘棲逸響留雲楚澤鎖

空陰王僧三曰在杭州竺瓢淡泊厨烟靜爲我塵封
止有老頭陀守院

祇樹林

和壁間避暑韻

恐是趨炎客勞勞寄此間縱橫誠有水遠近竟無山
原倡有石界縱橫水雲歸遠近山之句萬法真難悟浮生豈易閒何如
綠陰下獨鳥不知還

過斗母庵

閒官隨喜到空庵滿注琉璃火一龕點染溪山隣米
癖標題筆墨肖倪慙壁上曹爲章畫甚淡雅乍來每見蟠香串

偶興頻教熟茗談
選佛浪尋真
棒喝不知何處有
精藍

同廣容老僧夜話

荒唐夜語坐宵分
洗盞高談燭漫焚
豈是遠公延靖節
白蓮社裏共醺醺

其二

心論方外且從同
那在驪黃牝牡中
坐久頓忘更漏轉
紫荆庭下舞春風

其三

漢文好老有同心
世外居停忽賞音
半晌自貪連席話
醪醑傾處解煩襟

其四

忙裏消閒夜未闌
門前有竹道平安
憑誰報與潯川夢
此夕同僧笑話攢

悼花篇 有引

老僧云庵舊有紅白牡丹二本甚都麗
傳世三十餘年矣
庚寅春當事見而悅之
遂攫之去
恨事也聞而有賦

托生清淨門已謝繁華責豈擔富貴名遂亦遭官厄
官法及四民如何佛地嚇嗟哉魏紫與姚黃忽逢胥
吏奪魂魄一朝收入網羅中帶葉連根絕艷跡那管
金剛怒目嗔一任牟尼微笑謫翻身投到金谷園哭
倒山僧淚盈簣人聞此說爲花稱濃郁今時岑寂昔
沉香亭北逞容顏尚勝青郊和紫陌虢國蛾眉莫與
偕太真脂痕時點額霓裳一曲伴風流曩日荒山徒
偪窄墜淵升膝有循環淒清半世徐輝赫果然不負
國色與天香位置其間有光澤我聞此說爲花羞末

路顛連自取隙雖然此際異當年畏冷趨炎多嘖嘖
長謝故人結新知得者寸餘失者尺有如美女再尋
郎重賦桃夭奚足惜人生晚蓋未能貞榮華享盡復
何益曷不永終在毘盧柰何優婆一旦施巾幘後悔
徒深枉忸怩覆水難收情脉脉腸斷春風夜雨時褪
粉銷香愁影隻一似沼吳西子復歸湖剩水殘山悲
過客瑣瑣煩言理自然花若聆之應面赤寄語宰官
身也自菩提積及其攬大權頓忘三生石民瘼與君
憂琴然寄此席胡不一躊躇凜凜慎刑辟昆虫草木

待生成何苦蹂躪名葩無完璧召父杜母盼重來寧
不雞鳴辨舜跡亟須况此不情人爲花洗恨鋤花癖
雞有引

門人周瀉徵餽雞二隻其一爲雄飲啄窻前
油然自得庖人屢請烹之禁弗許且誠之曰
一箸之餐何如五更之唱乎賦詩四首

竹榻溟濛睡覺時零星夢緒挽人思幸餘喔喔聲三
唱喚轉迷途好處之

其二

一命鴻毛險沸湯幾希何忍療饑腸最宜春晚高眠
際舌底傳呼夜已央

其三

四德中間信不差時逢子午便呀呀可憐舌本瀾翻
輩那似鳴禽話少瑕

其四

巨頂深黃笑伯勞昂頭也自識風高可能附鳳聯雙
翼振采天池刷羽毛

贈廣容老衲

嶮峭春寒冷勝冬老禪相與話從容燈殘拉月連宵
照衲破呼雲盡日縫文字不教尋點畫語言何事覓
機鋒耄齡別有閒天地早晚和南問鼓鐘

其二

支挪譔述總支離山鬼林魔枉費思何似真如歸樸
拙偏饒自在得平夷晝長腹飽磁盂飯夜永魂安土
臙脾三百六旬閒裏度閉關長笑野狐狸

其三

十方齋供豈云貪醒若遊魚倦卽蠶枯坐九年何有

壁橫行數步不知函獅臺屢叩全依北麈尾慵揮孰
指南二六時中茶飯畢任教皮相老瞿曇

其四

遊歷名藍憶淞吳半生雲水寄情孤誰憐捲舌寒蟬
地得共垂頭野鶴墟愁日留將霏墨浪荒言揮就了
詩逋薄醪一盞聯宵話戒律何須索老狐

邢庶徵見過

草堂幽廠梵王邊一刺相投墨瀟妍雅度臨軒金薤
客清談入座木樨禪問奇敢自居楊子索醉何妨學

李仙滑道泥滓因阻與甕頭吏部失高眠庶徵置酒
指尋因天

其二

生人樂事在家庭風木傷心怨鶴鴿獨我此離多悔
吝饒君豫順擁康寧友于席上歡承日具慶堂前福
是星庶徵父母俱存兄弟無故得共軒渠躄一醉晴
予則不然對之有餘憾矣

曛撲面酒初醒

僧清徹求作草書

浪學塗鴉二十年顏筋柳骨亦徒然逢來緇侶爭求

字憶我前身是宿禪

邢庶徵招飲席間得晤張貽遠賦贈

絳帳遙開自孔礪忽然邂逅挹菁葱齋前滴露時談

易江左流風獨擅雄貽遠為宿松哲士清言塵胃滌

雅人深致俗腸空高情投轄欣良遇謂庶徵尊敢謂

薰陶道已東

驢背美人

淺藍衫子素絲裙驢背飄蕭乍識君秋水淅淅留盼
處嫣然一笑已含醺

其二

小小年華甫破瓜，一鞭行色與偏奢。
笑儂已是東坡輩，溫女空憐鬢尚華。

其三

鞭夫前導穩持韁，嬌怯登途恰罷妝。
佳婿不知誰氏子，及期想已嫁王昌。

其四

讌會誰家促去程，綺羅脂粉自經營。
雕鞍何幸盛香膩，策蹇馳驅緩緩行。

其五

雨收雲散日凝暉，梳掠煙鬟自整衣。
試問襄王昨夜夢，有無深淺是耶非。

其六

玉笋纖纖攬轡，驅驚惶踏步反瞿瞿。
分明一幅王嬌畫，出塞風流貌失腴。

其七

偶同伴侶話嬉嬉，初出幽閨步巧移。
不是灞橋吟興發，據鞍愁跌減香肌。

其八

誰家窈窕最芳年
躑躅田間浪着鞭
最怕滑泥頻滾
下湘裙揭起露金蓮

其九

訪舊尋親趁此朝
不行去路迢迢寄
言狹道無揮
策竊恐顛狂損翠翹

其十

有美輕粧遠道過
珊珊環珮響如何
蠢然一騎知情
緒也解春心好處儼

沈虞三同兄漢瞻侄侶蒼見過

擬貽尺幅寄相思
忽叩禪扉屐齒隨
別去自來經歲
久勾畱一會此間
奇心論茗椀雲光
靜指點春盤月
色移倒屣連朝徵
古道風流儒雅敢
稱師

次日沈虞三漢瞻侶蒼重至一宿庵訊予兼餽

食物

香積厨頭冷閒心
賦樂饑葩言席上
佩漢瞻為予誦
楊儀部余文

學詩甚佳瓊貺篋中遺
菽飽頻克腹臠分
足潤脾雞酥聯

鴨膾浮白有醪醪

儀部楊公奉使朝南海經過一宿庵賦詩沈子

漢瞻爲予誦之用次原韻

使節兼程往投棲理自然開衾尋夢譜捉筆費言詮
清夜燈前酒皇華賦裏禪昔人留帶處新話說奇緣
讀黃梧岡先生石亭集

洛陽波撼氣同烝夜讀高文月魄澄二酉廣搜詞采
麗三長妙合墨光騰沉雄韻格張全楚真冷才華接
竟陵山谷宗風徒仰止療人枵腹早挑燈

留別一宿庵

一宿何曾覺驅車又度關新愁無處浣舊夢幾時還
匝月春仍悄經旬人未閒歸來天路迥平遠沒青山
招閔五玉問卜留飲賦詩次原韻

君平賣卜久知前舟楫何由濟巨川五玉卦中僅有
决予大用陽春能醉我匏樽同舉待花妍

卽席又贈閔五玉二首

苑梅飄落瘦春紅荒榭迎賓語漫通卜損金錢鑪篆
裊傾來瓦杓甕醉融新苔屐破含纖雨妙琢毫揮起
大風是日微
雨大風盲左迄今成杜癖教人刮目笑重瞳五玉

六歲失明所讀書俱從
耳受著有萍踪偶紀

其二

詩成烟水訴琵琶吊古留題句自嘉

五玉席間為予
誦烟水亭琵琶

亭二詩
甚工妙

憑已操機撚錦片倩人濡筆洒瓊砂溶溶午

話琴添韻落落春情酒送華愧我頻年虛學步也分

眉黛晒東家

訪雲耕和尚

幽閒梵刹菜畦黃為訪瞿曇叩上方五會燈傳時駐

錫六宗諦受欲褰裳新舒草色杯浮茗舊結花魂案

宿香笑我鈍根人到此也同寶筏話清涼

斃虎詩

有引

庚寅秋冬之交潯陽多虎頗為民害副戎方

公昌來道勇士捕之旬日間斃其二同人作

詩詠咏其事雲公座間出倡和諸什索句遂

次韻云

速下南山令軍聲敢後歟饑腸無以療毒吻已先除

路窄鏃偏利林豐酒可釀渡河遺響在清晏儘軒渠

其二

詹鈞年詩集 卷之三 四六
眈眈虛作視奮臂鼓逢逢枉逞負嶠勢徒張跳澗雄
競誇人是李莫管士爲馮別有救寧策安攘豈在弓
楊次璜參軍以泮香見貽

屢投芳署竊餘芬領畧荀香靜裏聞貽我旃檀三百
片又從妙篆接參軍

賀董天明生子

豈有韓夫子而長貧且賤此理信之天不爽雷呼電
數窮理自伸蒼昊心如見從來碩德人好事何妨殿
松節傲堅霜淡老徵磨鍊及其耐歲寒實結擎枝備

喬梓並青蒼孰齒天桃絢我友古真儒窮年穿鐵硯
文章寫性靈秀潔嬌黃絹制行擬圭璋胡計俗情戀
揣摩亦以成欠此紅綾宴得失歸寸心無妨五色眩
所遭聽自然詎必求售術何者獨滌懷未謁封胡彥
邾下總寥寥瘦損菱花面吾亦爲君憂小星遴選徧
蘭芽蘊不生莫睹投懷燕今春家信來忽接魚函便
云已誕寧馨遣我愁成忤英物兆啼聲玉產藍田變
湯餅未陪筵千星聞芳饌從此識之無詩禮傳庭院
琴書屬此君蚤卜岐嶷擅草草代題麈天心原福善

辛卯仲春祭岳武穆王祠

平明酌酒妥忠魂，冠佩雍容肅駿奔。
十二金牌何所用，翻留袞冕共稱尊。

花朝夏連玉留飲煙水亭

久從芹署飲香名，一揖軒渠雅致生。
快論高疎調燕語，芳醪清冽浸鶯聲。
飄來雨氣桃花醉，剪碎波光柳葉明。
豪宅不知天欲暮，鏡湖春水共移情。

黃轡若以窻菴見示

戛戛陳言去他人，莫我先王唐。
雙鉢授陶鄧，一燈燃

玉質藏真璞，珠光綴寶蟻。
西江弁冕處，秋色麗芸箋。

送同官劉三英歸里

敝屣寒氈兩意同，多君拂袖舉長風。
頻年篝火庾樓共，一曲驪歌漱水通。
曳尾江邊憐屈蘷，昂頭天外羨冥鴻。
菊松三徑依然好，可有遙思寄遠筒。

登香爐峯

荷筇飛步倚高天，縹緲烟光觸袖延。
似欲摩挲依寶鼎，且憑登眺納晴川。
肖形莫問君臣火，酌興難沾子母錢。
雲氣忽來吞吐妙，宛携芳篆紫霄前。

